



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 88. Christinæ Suecorum Reginæ decessus.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. sexaginta sex Romæ ex hydropisi de-
A. C. 1689. cessit: Quam immerito autem nullis
 dotibus præclaris præfulsisse, imo serios
 labores abhorruisse, & nonnisi varii
 generis oblectamenta quæsiisse, a suis
 æmulis carpatur, luculenter apparet ex
 eo, quod novem, iisque præcipuis Pa-
 trum cætibus summa religione, fide &
 integritate interfuerit, posterisque re-
 liquerit manuscripta quamplurima ad
 utrumque jus spectantia, præter egre-
 gium volumen epistolarum, & plures
 orationes, carmina, atque inscriptiones,

§. LXXXVIII.

Christinæ Suecorum Reginae decessus.

*Hode vie de
 Louis XIV.
 lib. 46.
 Larrey t. 2.
 pag. 108.*

Jam supra memoravimus, quod Chri-
 stina Suecorum Regina abdicato Re-
 gni sceptro sectæ suæ falsitatem vi pro-
 prii ingenii, acrique S. Scripturæ &
 Patrum studio detexerit, ac fidem Ca-
 tholicam Bruxellis professa fuerit, inde
 vero Romam profecta hoc anno die de-
 cima nona Aprilis ibidem anno ætatis
 suæ sexagesimo tertio ad immarcessibi-
 lem cæli coronam pia morte evocata
 est. Animam agenti Decius Azzoli-
 nus Cardinalis adfluit, eidemque Sacra
 Ecclesiæ Sacramenta præbuit, firma-
 tamque Divino epulo ejus animam Deo
 commendavit. Vix ullam in Historia
 Foemi-

Sæc. XVII.
A. C. 1689.

Fœminam Principem reperire est, cuius vitam plures panegiristæ summis elogiis extulissent, pluresque æmuli atrocioribus calumniis pro suo quisque studio infectati essent, ut de ejusmodi Historicis dicere fas sit: *qualis Vir, talis oratio*. Ceterum tam illustris Heroinæ ingenio, eruditione & pietate nulli comparandæ conversio acerbissimum Protestantibus dolorem inussit, quem ut lenirent, nil aptius censebant, quam ipsius mores atris coloribus depingere, ejusque conversionem sinistra interpretatione contaminare: ipsam Regni abdicationem adscribunt animi levitati, inconstantix, vanitati, curiositati, & varias regiones lustrandi desiderio, Forte retento folio Christina hanc curiositatem pascendi occasionem non habuisset? Fingunt alii Reginam hanc sceptro nuntium misisse, ut otio, vitæ licentiæ, suoque genio liberius indulgere posset: Notatur ab aliis tanquam fœmina in conversatione nimis libidinosa, in sermone procax, & incitandis Petronii & Martialis scurrilitatibus fœcunda, & quoniam animi celsitudinem muliebri imbecillitate suoque sexu superiorem præferret, hanc Protestantes ad dissolutam superbiam trahunt, qua fœminas omnes, quasi sexus puderet, exosa cum solis Viris conversabatur,

Sæc. XVII. batur, & virili habitu induta, nequi-
 dem mulierum more salutationes facere
 A. C. 1689. dignabatur: His pluribusque aliis anni-
 libus fabulis tantæ Reginæ famam la-
 cessere, Protestantes haud puduit, cum
 tamen eorum, qui diu Romæ ejus con-
 fortio fruebantur, testimonio comper-
 tum sit, illam per plures annos incul-
 patis moribus, imo inter religiosissimæ
 pietatis exercitationes consenuisse: re-
 ipsa enim a Scriptoribus omni fide di-
 gnis summis laudibus celebratur ob Re-
 ligionis Catholicæ studium, & constan-
 tiam, integritatem, pudicitiam, cæli-
 batum, sapientiam, aliasque virtutes:
 Certe Princeps erat doctissima, & su-
 pra sexus sui conditionem omnibus ar-
 tium, præcipue Chymicæ, scientia-
 rumque disciplinis longe ornatissima.
 Varias præter Græcum & latinum idio-
 ma linguas callebat, tantaque facili-
 tate, & concinnitate quamlibet loque-
 batur, acsi nativæ essent. Solita erat
 diei horas assidua lectione, & grata
 cum Eruditis conversatione absumere:
 quicquid in humanioribus literis ele-
 gans, in Oratoribus eloquens, in Poe-
 tis ingeniosum, in Philosophis tam an-
 tiquo quam recentiore systemate versa-
 tis solidum, in Historicis eruditum,
 atque in Ascetis pium erat, id omne
 tanquam suum possidebat, potissimam
 tamen

tamen temporis partem Religionis exercitiiis sacrabat: Eodem pietatis sensu, ut viginti Sacrorum millia post ejus obitum pro expiandis vitæ suæ noxis celebrentur, testamento caverat, & varia Legata suis Domesticis, aliisque assignaverat: gazophylacium vero suum longe celeberrimum, cujus curam Franciscus Camelus gesserat, omniumque rerum indicem concinnaverat, Azzolinus Cardinalis vendidit, ut creditoribus satisfieri posset, quapropter incassum Brandeburgicus Orator sui Electoris, Regisque Sueci nomine cimelia, gemmas, aliasque hujus generis ab eadem relictas opes repetere nitebatur. Ceterum hujus Reginæ Cadaver jussu Innocentii Pontificis erecto mausolæo prorsus Regio sepultum quiescit in Basilica Vaticana, in qua tamen præter summos Pontifices, & Mathildem Reginam hucusque nullus tumulari consuevit.

Sæc. XVII.
A. C. 1689.

§. LXXXIX.

Aliorum Principum extrema.

Hoc item anno die undecima Februarii Madriti post brevem periodum ægritudinis, quam ex nimis præservida venatione contraxerat, Maria Ludovica Hispaniarum Regina, vix vigesimum

Theatr. Europ. t. 13.

Hist. Eccles. Tom. LXV. Tt mum